



故國中原尺土已無剩淨小生惟願取安瀾捧日重見昇
平外領兵操舟繞場下日呀你看金鼓聲喧旌旗影亂那
張宏範好不利害也淨小生聖母且自寬懷且

前腔

換頭

馳騁聲如沸鼎內軍士們放箭且哭介看雕翎如

雨內軍士們放礮且火輪高下飛迸張卿何不以矢石對

敵淨啟聖母我們矢盡石絕了且哭介啜啜赤手空拳難

道是盤石堅牢軀命罷罷我忍死間關至此者正爲趙家

一塊肉兒呀今無望矣悲哽忍教伊銜璧牽羊青衣行酒

供他魚肉佐杯醪投海介小生太后已死攜貼介主上豈

可受辱。淨取香來拜介。我爲趙氏力已竭矣。一君亡復立一君。今若此。夫復何言。內風濤聲介。陸先生。你看風濤洶湧。有何留戀。貼哭介。二位先生救我淨小生。臣等今日死得其所矣。扶貼大哭介。蒼天那。惟願取騎鯨。哭訴列聖英靈。扶貼投海。龍神上簇擁下。外引兵上。呀。宋主蹈海而死。了。趙家基業。盡于此刻。大小三軍。就此班師。

餘音。三宮連袂沉飛艇。海竭山崩宋祚傾。可憐他寡婦孤兒。難尋夾馬營下。

第二十二齣

和驛

雞上兩間破屋牛宮窄一竈生煤馬糞香自家驛卒天
色將晚且去打掃上房伺候兩兵押生囚服上

雙調
過曲

鎖南枝邊城遠官路長銀鑰在身惟自傷京國故宮

亡又聽得厓山幼君喪疲鱸瘦蔓草荒我似樹凋零葉飄
蕩兵請丞相到驛中住宿驛空雜有兵這是南朝丞相須
要小心伺候雜是兵去生鎖扭下生咳

前腔蘆懸幔燈挂牆黃菊蓋屋炕代床疲馬影郎當戍卒
柳鈴響繁星暗苦月黃聽寒雞怕高唱這壁上有字跡在
此待我看來太液芙蓉渾不是舊時顏色曾記得春風

雨露玉樓金闕。名播蘭簪。妃后裡。暈生蓮臉。君王側。忽
一聲羯鼓。揭天來。繁華歇。龍虎散。風雲絕。無限事。憑
誰說。對山河百二。淚沾襟血。驛館夜驚鄉國夢。宮車曉
碾關山月。願嫦娥垂顧。肯相容。從圓缺。調寄滿江紅。宋
昭儀王清惠題。不免和他一首。寫介。試問琵琶胡沙外。
怎生風色。最苦是姚黃一朵。移根仙闕。王母歡闌瓊宴。
罷。仙人淚滿金盤側。聽行宮。夜半雨霖鈴。聲聲歇。彩
雲散。香塵滅。銅駝恨。那堪說。想男兒慷慨。嚼穿齧血。回
首昭陽離落日。傷心銅雀迎新月。算妾身。不願似天家。

金瓶缺文山謹和汪上

前腔看明月念故鄉胡笳聲和清漏長誰作苦吟腔頻敲唾壺唱呀元來是位老丈生尊駕何來汪同羈旅裏客糧乍相逢恕疏放在下浮梁汪大有老丈高姓大名生元來是水雲先生幸會幸會老夫就是文天祥汪阿喲聞得丞相空坑失利五坡就執忠義之聲盈滿天地不道此地得瞻山斗揖介敢問丞相在此吟哦甚的來生哪王昭儀有詞在壁間偶然感觸遂和一首請教汪讀介生前腔看長調觸痛腸他人酒杯傾一觴後死尙參詳先生

與裁量我和你居同里會異鄉剪寒燈把素心講汪後學

觀公名作不敢藏拙也要出醜一首生甚好汪寫生讀

介天上人間醉王母蟠桃春色被午夜漏聲催箭曉光

侵闌花覆千官鸞閣外香浮九鼎龍樓側恨黑風吹雨

濕霓裳歌聲歇人去後書應絕腸斷處心難說更那

堪杜宇滿山啼血事去空流汴京水愁來不見西湖月

有誰知海上泣嬋娟菱花缺對哭介汪丞相呀

前腔愧沒有漸離俠豫讓狂援琴自鼓聊自傷無計殺螳

螂只好死抱焦桐葬生先生義氣可許同心我們到燕都

相機行事便了，倘得飛鉛筑，擲藥囊，與你白衣冠，椎博浪。
夜深了，各自安息片刻罷。汪請了同下。

第二十三齣 生祭

老旦巾服上

淚因知己墮，魂爲故人招。苦心期立節，痛哭染

霜毫。我王炎午字梅邊，廬陵人也，出身太學，托足清流。

喜與文丞相同里，昔日丞相起兵時，我曾請購淮卒，參

錯戎行，以訓江廣烏合之衆，荷蒙嘉納，便欲進之幕府。

我以父喪未葬，母病在床，辭之。又蒙允許，今聞丞相被

執北行，自念無以爲報，思量今夜就燈下草成生祭文。

一篇以速丞相之死，咳丞相之死，豈待他人饒舌。此乃盡我一片血誠耳。展紙書介，舊太學觀化齋生王炎午。謹採西山之薇，酌汨羅之水，哭祭于文山先生未死之靈，而言曰：嗚呼！

入破第一。大丞相可死矣。科第曾居一，又迎養，追封兼被將相，年方四十，履險瀕危，誠欲鞠躬盡瘁，天日自矢，舉事無成，大節無愧，尙遲回，豈欲有爲于世。舊主難拋棄，求生希再釋，圖恢復，憑何權勢。尺土皆無，况又君臣同執，更何爲。只恐因循志消氣餒。

破第二若比蘇卿亡宋非炎室若死他人手不若斯時就
義苟存舊主興亡成敗猶難度擬况目斷潢池心傷天水
袞第三晉朱友貞李光弼唯恐遭強敵靴刀暗藏無瞻忌
期自斃不失捐生明智若涉猜嫌聲氣定然相逼最可悲
倘書虎不成則貽譏清議

歇拍竊念炎午忝公同里可憶當時年少子持斐牘犯旌
旗仗劍從軍顧戀慈親停止感恩施欲報仁人風前淚垂
中袞第五被蜀昶母晉安妃不過裙釵輩乞遺屍將腐骨
蕩爲灰狐死猶然思首邱塚纍纍伏乞明公初心不違

煞尾荷引決故遲、甘作拘囚鬼、恐不免瓜噴鼻、墻壓面、汗
侵肌、伏願丞相斟酌泰山一簣、細思維、莫待他時空貽後
悔、

出破季丞相採納微言、含笑奄然逝、不枉却四忠一節存
天地、怒炎午言詞狂誕、待命倉皇之至、

丑上俺劉堯舉、聞梅邊要做生祭文、丞相文不免過去

一看老旦呀劉兄來了、正要請教丑展玩介咳這是

中呂過曲駐馬聽創格文章、義正詞嚴考辨詳、那丞相之死、豈

待他人勸解、已辦從容就義、慷慨捐軀、永遠流芳、老旦我

欲將此文謄寫數十本自贛州至南昌水駟山墻沿途粘貼幸冀丞相一見庶幾不負此心耳以見我書生志節不尋常要他孤臣氣魄留天壤日月爭光精靈一點依舊無恙丑告別了分下

第二十四齣 抗節

中淨冠帶黃鐘引隊上

過曲出隊子書生愚陋身入牢籠敢自由，硬硬

自守，不回頭。國破家亡難藉口，一箇忠臣他邦逗留俺丞相博羅奉命往勸文天祥降順，這書歎前過吉州絕粒七日竟不餓死，又吞礪子，噓涼水，依然無恙，也算是一

箇頑皮自來此地、吾主待他甚厚、公館酒筵之盛、全無感激、昨日把他移到兵馬司看守、若依俺的性子、賞他一刀、豈不爽快、却苦苦與他敷衍許多關目、令人氣悶、咳、你那箇狀元宰相的架子、難道大似皇帝不成、左右、打道往樞密院去、行介帶文丞相上來、押生上、白髮三千丈、丹心百鍊、剛見中淨、背立介、中淨少保、我且問你、古有以宗廟土地與人而復逃走者乎、生奉國與人、是賣國賊臣、有所利而爲之、必不肯去、肯去者、必非賣國之臣也、我前除宰相不拜、軍前旋被拘執、旣而有賊臣

獻國國亡當死所以不死者以度宗二子在浙老母在
廣故耳

啄木兒燕雲地十六州白送江山誰出手為君親一息猶
存盡忠孝平生不苟

中淨

棄德祐而立二王可謂忠乎生

社稷為重君為輕立二王為宗廟計也從懷愍而北者非
忠從元帝為忠從徽欽而北者非忠從高宗乃為忠也飴
甥自為宗社守張良肯被炎劉誘怎肯做捨義貪生繞指

柔中淨

前腔你何須拘不用憂達變通權臣道有你立二王竟有

何功生宗社存一日則盡臣子一日之心何功之有中淨

既知其不可何必爲生父母有疾雖不可爲無不下藥之

理求盡吾心萬不可救則天命也今日天祥至此有死而

已何必多言中淨可惱可惱恨迂儒賣弄風流守僻見堅

持拘謬君不見夏商伊尹能三就齊梁孟子猶三宿也不

過身做良禽要擇木投小番你去向張總制說此人倔強

不服叫他讓我收拾了他罷快來回信雜下少保還是

降了好生咳你未解詩書豈知義理食祿忠事爲國捐

軀這都是大丈夫應爲之事你要殺便殺何必苦苦饒

舌中淨氣介生

三段。子性天自有背彝倫偷生最羞。堅貞自守喪溝渠收場最優。中淨一般富貴不可失了機會後悔無及。生咳。恁般富貴難消受。恁般世界難迤逗。只好身跨南箕夢依北斗。雜上張俞說文少保是世上有一無二的奇男子。不可輕慢他。叫俞耐煩些。緩緩勸他罷了。中淨咳。誰有這些耐煩來。

歸朝歡。針和芥。針和芥。既然不投。相關意。該當歇手。聲和氣。聲和氣。既然不侔。知心話。該當絕口。左右仍押他到兵

馬司去帶生下中淨悶煞我也甚男兒恁地多將就快鋼
刀却爲他寬宥才信道不是冤家不聚頭下

第二十五齣 守正

旦上

商調
過曲

金絡索淹留塞艸隈寂寞茆簷底檻鳳囚鸞出

坎知無日老身宋太后全氏同官眷北來羈栖民舍朝夕
來逆耳之言幽獨抱盟心之誓咳古來亡國之餘孤兒寡

婦結局定然如此蒼蒼報不虧受人欺怎知我鐵石心腸

不改移小旦上啟太后昨夜安定夫人陳氏安康夫人朱

氏兼小姬二人俱自縊死了方才朝命將他四人首級割

下懸在我們屋簷下。如何是好。旦哭介。我久欲自盡。爭奈
監守之人。不離左右。前車如此。夫復何言。拚得箇游魂血
污。隨鄉鬼。怎肯教白璧瑕。侵辱帝妻。小旦聞得。朱夫人有
遺詩云。既不辱國。幸不辱身。世食宋祿。羞爲北臣。妾輩之
死。守于一貞。忠臣孝子。願以自新。旦妙阿斯無愧。裹殘屍
猶是舊宮衣。杜鵑聲血滿籠堆。叫不應。天和地。爲今之計
只有祝髮爲尼。庶斷一切葛藤。色空俱幻。清惠取鏡臺
剪刀來。小旦曉得。取列介。旦

前腔。曾煩白玉鏡。學挽盤龍髻。簾捲昭陽鏡。滿香雲膩。剪

下哭介念青絲萬縷齊鬢鴉垂一朶紅雲捧玉妃記君王
夢醒憐嬌媚把釵鈿粧成問稱宜取僧衣僧帽來換裝介
蒲團地做蓮花座下一優尼清惠你也改裝做箇女道士
相隨罷小旦正合奴意改裝介便長齋繡佛何爲懺不了
前生罪合下

第二十六齣 小樓

外上暗逐征鴻度玉門他時不免與招魂橐籥且盡生
前意豈等淮陰一飯恩我張千載字毅父江西人也因
文丞相被執我暗地隨他北來今聞他拘禁在兵馬司

小樓之上不免攜了酒食前去勸慰一番咳攜具行介

仙呂過曲

醉扶歸他孤身遠陷鼎囚裏妻孥骨肉盡流離朔雪

炎風有誰知只有奚官獄吏相依倚便羊酥馬柁強羈縻

剝雞皮瘦骨絲兒氣有人麼率上外煩通報文丞相說有

江西人張千載求見雜丞相有請生上

前腔天涯靜度如年日樓中頻和少陵詩萬念皆空死何

期家人無處尋消息頂中螺髮漸成絲玉關自許難生入

雜外面有丞相一箇同鄉求見生請來外入拜介丞相

在上千載拜見生張兄素昧平生因何枉顧外丞相

前腔。你是個喬松戴雪向南枝。堅金入冶長生體。在下飲

仰丞相忠貞敬備盤餐。聊表野人之獻。這是西山薇蕨慕

夷齊。清流不是貪泉水。生深感厚意。你們收過了。雜收下

張兄。我自空坑敗後。妻妾失散。小兒佛生及小女定娘

壽娘聞已死亡。但不知孫家舍妹。攜其二子肖翁約翁

此時流落何處。小兒道生。小女柳娘。環娘。監娘。奉娘。四

人流落何處。外。再不要說起。自丞相潮陽之敗。小姐們

同死亂軍中。只夫人北來。又不知栖遲何處。生。淚介。

前腔。一家藁葬傷無地。飄飄真媿杜陵妻。張兄。我創建文

山一所花木竹石頗具邱壑之美當年與友朋宴遊甚樂
今日局春小樓夢繞家山好生惆悵也菟裘數畝剩荒基
鶴聲空向華亭唳外暫且告別不時要來奉看的生多謝
你故人情重手頻攜還只怕這幾根殘骨貽君累外好說
請了生雲天高誼餘孫宰外塵土孤踪憫趙岐分下

第二十七齣 浩歌

商調繞池遊上生無人悔禍委蛻猶存我做人臣恁般結果

引子誰能鑄錯節旄都脫望中原關山奈何俺文天祥拘禁天
涯奄忽三載只這土室中地廣八尺深可三尋單扉低

小白間短窄，兼之汗下而幽暗，當茲夏日，諸氣相侵，若
雨潦四集，浮動床几，是爲水氣，泥塗半朝，蒸漚厯瀾，是
爲土氣，乍晴暴熱，風道四塞，是爲日氣，簷陰薪爨，助長
炎虐，是爲火氣，倉廩寄頓，陳陳逼人，是爲米氣，駢肩雜
遯，腥臊汗垢，是爲人氣，溷蛆騰翻，腐鼠糜爛，是爲屍氣。
似這般惡氣重蒸，無人不病，我則居然無恙，豈非浩然
之氣，有以勝之乎。

商調
過曲

二郎神平安我，困圍城向荆榛危坐，有糞穢相蒸難

解脫，心香自熱，辟邪方丈無多，記得少年時，聲伎圍身，麝

蘭撲鼻，綴羅綺于屏風，列笙歌于几席，豈料今日躬膺天
譴至此，又不是罪犯荒淫，牽業果，罰受此拘囚墮落，御爐
烟朝衫舊拖，爲甚的教人淪陷口陀，筆墨在此，不免做正
氣歌一首，消遣片時，童兒取我的古硯玉帶生過來，羅
捧硯上放几上，卽下生

前腔

換頭

噓呵上爲星日，下爲河岳，凝結氤氳，今在我張樵

董筆嚴頭，嵒血云何，是天柱坤維，資繫絡，要調理陰陽，旁
薄安和，這園扉居然安樂行窩，小生上抱琴尋舊雨，對酒

發狂歌，有人麼，雜上元來是汪師傅，丞相爺在裏面做

詩請進去，下小生丞相爲何苦吟，生我在沱濕之中，無以自遣，偶作正氣一歌，請教小生看介妙呀。

黃鶯兒痛哭當長歌，是中聲協太和，火中曾放青蓮朵，丞相不嫌鄙俚，願將此詩譜成拘幽操，鼓來以博一笑，如何。

生如此妙極，小生鼓琴介，重挑徐撥，輕移疾那，浮雲柳絮隨飄墮，生費吟哦，泠泠餘韻，猶自感人多，外引貼及童攜

酒上攜將故人酒，來話異鄉心，此間已是不免逕入水

雲在此，小生則堂先生同奚娘子到來，生今夕何夕，得

遇兩公，外水雲所彈何曲，我家鉉翁謬托知音，正須洗

耳小生方才丞相做了一首正氣歌，我不揣愚妄，譜爲
拘幽操。外妙，奚娘子你溫起酒來。我三人小飲一回，好
聽汪先生雅操。貼理會得。取爐溫酒。介生外小生列生
介生則堂先生外間有甚消息否。外我前日將三百金
爲令妹贖身，已交付孫郎去了。外此則兩宮妃守貞盡
節，全太后爲尼，王昭儀入道矣。生咳，可傷可傷。貼進酒

介生

貓兒墜傳來新事，展轉淚滂沱，埋骨燕雲，怨鬼多天陰雨。
濕影婆娑，憐他剪紙招魂，沒個騰那。外小生告別了。合

尾聲羅浮烟雨相離合，一度冰霜一度過，倒不如丁令南
歸鶴羽拖下。

第二十八齣 神遊

衆引龍王上，劫盡刀兵滿，潭深歲月寬，驪龍初睡醒，頷
下一珠完，俺乃龍神是也，廬陵文家門前冷水潭中，舊
有應龍一條，以行雨得罪，謫於宋世，托生爲文天祥，使
歷亡國通臣諸苦，今已限滿，爲此引領兩師風伯，前往
燕京，會同彼地城隍等神，迎取歸位，侍從們駕雲前去，
仙呂過曲 解三醒閃金鱗雲中一現，弄之而天上無前，只爲他

難馴性愛元黃戰督羣羊傾注招愆眼見的交占有悔嗟
无首倒不如象罷飛騰利在田休埋怨養晦在水晶宮裡
興慶池邊下雷公電母風伯雲師上

前腔奉功曹捧來勅券助風雲合會騰鸞一杯海水滄溟
濺影濛濛九點齊烟小神等兩師風伯電母雷公奉玉帝
勅旨護從應龍歸位就此前去說甚麼鼉皮鼓震山搖顛
試看着海鏡光流水沸喧乾坤眩看刀鋒閃處毅魄行天

下城隍引仗上

前腔駕蒸雲虹霓舒卷吼朔風沙石迴旋爲甚麼三霄色

共諸神變迓忠臣。今日生天小神朔。方城隍司爲文丞相。殉節柴市。特地排班迎接他。成仁取義心無怨。却不道鬼怒神嗔事。怎全好一似修羅戰。使人間君相此際無權二。

昭容持節引儀仗燈籠上

前腔金龍仗排來闡苑。御爐香吹下雲邊。因此上雙持絳節迴鸞扇。引仙樂奏鈞天。我等領奉玉旨。排列天仗迎接文丞相上昇呀。你看人間法場擺列耶。又厲鬼好不凶惡也。看了他輪迴暗向諸途轉。世網包羅萬命延。休迷戀免了這上清淪。滴才是真仙下。

第二十九齣 柴市

淨引刀斧手上。白日暗幽州。山崩海倒流。孤臣扶氣運。
千古有春秋。俺元朝總管奉旨。今日處決文丞相。咳。看
他平居百折不回。今日一塵不染。若論主持風教。正該
成全他忠義之心。以勵我國臣寮之節。惜朝內無人匡
諫。以致成彼高名玷俺君德。俺一箇武臣也不敢多口
了。雜稟爺。午時三刻了。淨快請文丞相到來。雜是分下。

劊子押生上

扎黃鐘

醉花陰三載淹留事。才了展愁眉。仰天而笑。眼睜睜

天柱折地維搖。舊江山瓦解冰銷。問安身那家好。急煎煎盼到今朝。剛得向轉輪邊頭一掉。雜丞相爺前面就是柴

市了生

喜遷鶯都認做鬼門關。程途幽渺。那知是俺上青雲梯磴。逍遙休也波焦。不能勾沙場自了。累伊們舉手為俺勞。只因他天不饒。差派俺邯鄲一覺。向血光中尋箇收梢。雜這

是留丞相送來筵席。請爺用些。生那箇留丞相。雜就是

留夢炎。也是南朝來的。生留夢炎那賊子的酒食。怎敢

排在這里。踢翻介

刮地風。噯呀。見了這狼籍杯盤和濁醪。枉鋪陳旨酒嘉肴。可知是陰爲惡木。泉爲盜。這其間多少脂膏。雜。這是趙學士筵席請爺用些。生。那箇趙學士。雜。也是南朝來的。叫做

趙孟頫。生。咳。子昂也是一代文人。又爲宗室。因何失足。至

此。可惜可惜。俊王孫。一代風騷。枉了他墨妙揮毫。爲甚麼

棄先塋。忘舊族。也。修降表圖。一個美官銜。學士高。全不管

萬千年遺臭名標。各神暗上淨引仗上。來。此已是法場。頃

刻間。爲何天昏地黑。起來。作風雨聲。介。生。蒼天蒼天。這

風雷來遲了。

四門子呀。倘若你真心幫助人家。趙可憐他基業飄飄也。
不合匡山雷電將他鬧。做海底月空撈。打殺他元帥驕。殛
死他將士梟。却不保全了官闈命幾條。到今日鼓亂敲。鏡
四招怒轟轟。何關緊要淨丞相。有甚麼遺言告訴下官少。
刻代你奏上。生大笑介。你怎知俺的就裏來。

水仙子呀呀呀。你舌苦饒俺俺俺。與你那皇爺有甚
瓜和葛。囑囑囑。付他宵旰勤勞切切切。莫要荒淫無
道。休休休。似那前車覆轍擗。庶庶庶。不致依然送掉
那那那。那裏有萬歲千秋神器牢。算算算。唐虞到此多。

移調。但但能勾承天眷。便永宗祧。雜時刻已到。請丞相爺歸天罷。生大笑介。俺文天祥死得好明白也。

尾煞。幸不到灰囊撲面。排墻倒須知俺萬若干辛才領這一刀。休笑俺箇送頭顱的文少保。押下斬介。扮一龍冲上。龍神護引下雷電風雨。繞不止淨伏几下顛介。內官騎馬上奉旨擺設御筵。將此新封官職的神牌供起來。設祭介。生靈上立高處風伯撤神牌。送生碎裂擲下。介淨不好了。神牌掣上天去扯碎了。官待我啟奏去。馳下神遶場不散。介。內官上奉旨將此神牌供奉。淨這上面寫

着什麼官。哪是宋少保信國公大丞相文山先生位。供
介生領神下淨。呵呀一刻天清氣朗了。嚇殺人也。正是
新朝爵秩忠臣賤。異代芳名後世傳。下

第三十齣 却聘

未上後死餘生。又十年歸來無處覓。家園楓林玉露凋。
傷後枝葉分明變。杜鵑俺謝枋得齒鬢已衰。梓桑初返。
不料程文海訪求江南人才。將我姓名列于薦牘。留夢
炎又遺書勸駕。咳俺向來只爲老母九十三歲。不敢挺
身一死。今于二月二十六日。考終正寢。後悔何及。豈有

白頭老婦再醮新人之理不免懇切覆書一封答他則
簡。

仙呂
過曲

桂枝香。愚生再拜。平生自揣三十一。釋褐名通五十。

一投簪職解枋。得先後在官。不滿八月。俸祿無絲毫歸家。

養親可云不孝矣。念庭闈抱愆。念庭闈抱愆。今日個麻衣。

苦塊。豈可墨縷冠帶望垂哀。禮云。敗軍之將。不可以言勇。

亡國大夫。不可以圖存。且斬衰不入公門。今枋得不祥如。

此。不過是素守。壘鹽慣。莫認做匡時濟世才。先朝史。嵩之。

賈似道。皆以奪情見薄于清議。何況其下者乎。

前腔評論前代詼嘲難解。背天常清議誰容。重人爵凡情
堪戒。況年齡就衰。況年齡就衰。蒲輪難載。弓旌毋屈。只恐
玷台階。能爲管葛。施爲易若。是巢由放棄。該書已寫畢。明
早着人遞去便了。正是不仕豈能逃盛代。無才不敢累明

時下

第三十一齣 遇婢

小生背包巾

仙目入

服策蹇上

雙調

北新水令 歎飄零燕市舊遊稀。覓荆

高黃鑪苑廢。騎驢幽恨迥。看劍壯心違。小生文陞乃信國
公嗣子。自先丞相盡節以來。家室飄搖。行藏拓落。今來燕

京尋訪母親下落。你看這順城門外暮烟撲樹畫角穿雲。
呀何處借宿一宵才好。燈影柴扉。俺待借茆簷永今夕。店
家有麼。丑上相公歇店的。請裡面坐。大娘客來了。小旦

上

南步步嬌晚炊才舉燈懸壁。何處官人至。趨承不待遲。歛
袂低頭將前還退。呀相公可是文公子麼。小生你是綠荷。
跟隨老夫人在何處。小旦淚介公子請坐了。容小奴細稟。
眷屬久仳離。小奴今嫁與織綾人爲婦矣。恨機絲織不盡。
迴文字 小生

北折桂令看青裙蟬髮低垂滿面塵沙髮似蓬飛做不出
當壚舉止賣漿聲口倚市容儀是吾家針箱小婢今做了
箕帚民妻無限低回無限悲悽似逢他天寶宮人不覺的
相對噓唏小旦夫人被虜後與二位小姐皆留東宮改了
道家裝束終日誦經後隨公主下嫁駙馬高唐王居大
同路豐州樓真觀內

南江兒水記宮禁趨承日王姬下嫁時歎夫人轉學青衣
婢花封誰念皇宣貴長門空灑懷鄉淚奉帚平明難避把
鳳鳥鸞釵典賣聊供生計小生哭介我的親娘呀

北雁兒落帶德勝令。幾會慣着青衣脚。後隨幾會慣管茶
烟牆陰立。幾會慣捧晨餐。問飽飢。幾會慣剪宵燈。司衾被
呀。幾會慣曉粧臺歛鏡支。幾會慣夜牕櫺收香几。幾會慣
浣殘膏。勻剩脂。幾會慣飲殘杯餐冷炙。卑微。定月偃雙眉
翠。淒迷料霜添兩鬢絲。小旦不但此也。柳小姐從公主下
嫁趙王。在沙靖州。環小姐從公主下嫁岐王。在西寧州
南僥僥令。他各掩雙蓬髻。同愁待掃眉。勉強學婢媵奴顏
相趨避。但願得免鞭笞做侍兒。小生痛煞我也。我的賢妹
呀。

北收江南呀。你本是香閨繡閣上林枝。抵多少眠早起來
遲。惜花愛月共嬌癡。傍粧臺待字千金體。到而今勢衰到
而今勢衰。反伴他嫁娘含淚上頭時。小旦公子且免愁煩。
若得上天憐念。終有相聚之日。

南園林好。既不做皇宮愛妃。又不做豪門寵姬。總嫁在人
間。良配覓芳踪。定期會芳容。定有時小生綠荷呀。恁般
世界人海浮萍。那里尋覓。況你我柔脆之身。亦恐不能

永年耳。同哭介。

北沽美酒帶太平。合歎空梁落燕泥。歎空梁落燕泥。做風

花四處飛、又都是衰柳鴉巢、落下兒有誰來憐惜、背人處、
兩行啼思、嚴父難求屍骨、念慈親難尋踪跡、先隴在荒村、
古驛故家、落斜陽流水、俺呵只落得聲絲氣噎、久心嫌人、
世呀、況又是相逢今日、小旦公子且請安息、不必過傷了、
南尾聲、更闌燭照千行淚、相對猶疑夢寐、真個是腸斷天、
涯遇故知、下

第三十二齣 餓殍

末持杖丑隨上

北正

端正好晚鐘鳴、天河瀉、病身驅起坐

欹斜、枉了你飯伊蒲、捧鉢能施捨、誰待採西山蕨、丑謝爺

餓了七日你不吃飯、我煎了碗藥在此、你吃了罷、下取藥上介末搖頭介

滾繡球、俺不肯覓盤餐度日來、又何用服參苓延壽者、聽饑腸雷霆激烈、爭粒食雞鷲、噉漫誇恁廉頗、健飯莫加、便費那漂母心、羹當徹、又何必吞氈、嚼雪、枉了這辟穀、啖蔗、待禁他山、連庚癸、呼號切怕甚麼、日犯虛危、欠缺些、莫漫傷嗟、潑藥介丑可惜了、爺這般光景、是不要活的了、俺且嗑酒去、下末咳蠢才呀

叨叨合、恁比那程文海、怎生耶、恁比那留夢炎、如何也、却

不見俺書成却聘走龍蛇。況沒箇慈烏子燕難拋捨。趁這
桑榆暮景日光斜。好去逐圍城餓鬼。把陰燐結勸你那飢
方朔不用嗟。笑你那飽侏儒空自噉兀的不喜煞人也麼
哥兀的不樂煞人也麼哥。俺到那瑜珈會上自有齋筵設
死倒地介衆扮斷頭鬼上淨兄弟們我等唐朝征高麗
國戰死的軍士埋在這憫忠寺已過了數百年沒個依
傍今日大宋忠臣謝翁餓死在此大家扶起他來做個
寺主如何衆好呀跳舞介謝翁起來末起介你們是什
麼人淨我等是唐朝征高麗死鬼聽得翁歸天特來販

冬青樹
依、要你、做、我、們、的、寺、主、呢、**末**、好、好、你、們、都、是、爲、國、捐、生、
的、壯、士、俺、便、同、你、做、個、朋、友、罷、

倘、**秀**、**才**、**痛**、**國**、**殤**、**野**、**死**、**也**、**邪**、**念**、**京**、**觀**、**忠**、**魂**、**飄**、**瞥**、**俺**、**不**、**能**、**把**、**七**、
尺、**昂**、**藏**、**終**、**馬**、**革**、**有**、**愧**、**伊**、**亡**、**形**、**傑**、**斷**、**頭**、**烈**、**總**、**結**、**了**、**趙**、**官**、**家**、**四**、
百、**年**、**的**、**基**、**業**、**衆**、**鬼**、**扯**、**末**、**坐**、**椅**、**上**、**擡**、**下**、

第三十三齣 碎琴

末花白鬚道士

仙呂

北點絳唇燕市徜徉、金臺凝望、心悽愴、

裝抱琴上

恁地收場老作西湖長、俺汪水雲北游十有餘年、歷盡悲

涼苦楚、昨者乞恩、得以黃冠歸里、聞得南宋宮人王清

惠等今日在梁家園置酒高會爲我餞行只得抱琴前
去下小旦老旦旦道裝淨中淨丑尼裝仝上

南劔器合聯袂困殊方思往事只添惆悵羨他行獨歸田
里臨歧斷盡人腸小旦我王清惠老旦我何鳳儀旦我蔣
懿順淨我方妙靜中淨我林順德丑我袁正正小旦我
等同是南宋官人被擄北庭各自出家于尼菴道院十
有餘載聞琴師汪先生今日南歸我等置酒梁家園與
他餞行你看汪先生早則到來也未上

北混江龍天空雲曠俺歸心已逐雁鴻翔記來時身輕似

葉到如今髮白如霜。列位娘子請了。衆先生稽首。末咳。看
了你。星冠霞帔。水田衣。可憐俺麻鞋布衲。蹇驢韁。附浮萍。
聚北隅。隨斗柄。又指南方。只落得天涯白首。空吟望。却便
是舟沉陸海。抵多少鶴返遼陽。小旦先生且免愁煩。請滿

引此杯奉酒定席介合

南桂枝香陽關同唱。離樽分餉。旅愁依塞。草榮枯。鄉夢與
江潮消長。念梧官久荒。念梧官久荒。若個曉隨天仗。空說
露凝仙掌。漫思量。那些兒。官女牽迴。輦只剩你。遺民哭戰。
場末重勞列位娘子。老夫何以克當。

北油葫蘆羞煞俺老戴黃冠去故鄉抱枯桐成獨往只好
買半間茆屋祀昭王也則索吹簫乞食西湖上說與他舊
君王身無恙着袈裟自合如來掌草蒲團這便是當時御
沐把龍樓鳳閣換了個新方丈叫人民此後莫思量衆同
哭介外僧上汪先生俺奉合尊大師之命來送先生

南八聲甘州他苦念舊宮墻賦三秋桂子八月荷香裙腰
草綠六橋輦路應荒有詩一首賜與先生未展吟介寄語
林和靖梅花莫更開黃金臺下客應是不歸來大哭介外
俺大師呵盼斷了旌旗日暖龍蛇漾官殿風微燕雀翔昏

黃記暗香疎影淒涼末長老你與我回奏大師說俺汪大有呵

北天下樂怎忍說身繫南天夢朔方思也麼量思量敢便
忘抵多少流水咽空堂那德壽官中蔓草荒聽不得南內
空階夜雨涼那有舞袖歌裙記曲娘只留下水晶簾一
片蛛絲網俺有奉和昭儀娘子詩一首聊申別意小旦接
讀介愁到濃時酒自斟挑燈看劍淚痕深黃金臺愧少
知己碧玉調將空好音萬葉秋風孤館夢一燈夜雨故
人心庭前昨夜梧桐語勁氣蕭蕭入短襟淚介

南醉扶歸。這是念家山。破難重唱一聲。河滿淚千行。漫說道。遙望并州。是故鄉。苦追思。汴州明月。杭州舫。勸君臨別。盡離觴。只怕故人從此多黃壤。未淚介。今日知音永別。俺則索爲列位鼓琴一曲。以酬折柳之意。

北寄生草。三疊胎仙舞。漫天柳絮颺。便成連哭倒在君山上。師襄淚溢滄溟漲。伯牙只合江潮葬。這七條瘦玉苦低昂。俺索把金徽玉軫都拋漾。碎琴衆全大哭介。未娘子們保重。逕下衆先生行矣。

南尾聲。明朝風雨西施葬。怎能勾斜抱雲和坐月光。汪先

生呀抵多少一曲伊州淚萬行下

第三十四齣 野哭

老旦上 易水才聽變徵聲。白衣冠去送荆卿。側身天地
頻搔首。獨向楓林冷處行。俺王炎午。上年攜了生祭文。
沿途遍貼。來到燕京。寄身逆旅。且喜丞相大節已完了。
我一腔心事。今日天氣初晴。隨着秋光散步前去。

仙呂
過曲

皂羅袍 荒草斜陽如故。趁楓林落葉。來到城隅。半堤

衰柳影蕭疎。一行新雁聲淒楚。萬柳堂。這是留丞相的別
業了。比不上韓園葛嶺。嬉春自娛。也算做平泉綠野。尋秋

暫居正行人不盡低回處外負匣上俺張千載久備木函

一個前日在柴市收拾了文丞相齒髮不免到萬柳堂

中哭拜一回呀足下何人在此愁歎老旦小弟王炎午

願聞老丈姓名鄉里外原來是做生祭文的梅邊先生

老夫張千載這匣內便是丞相齒髮我和你撮土爲香

哭拜一回如何老旦正合愚意置匣几上哭拜介

掉角兒序愧沒有生芻一束願丞相英魂來駐駕白鶴廳

還故墟閃靈旗試尋歸路那裏有石人排魚燈照豐碑表

寶坊題忠臣遺墓一任他縱橫狐兔來回麀鹿對啼噓何

處竟麒麟翁仲銀雁金鳧淨小生冠帶引人挑酒盒上遣

秋沽社酒退直合朋簪淨下官留夢炎小生下官趙孟

頰淨爾等是什麼人老旦我們收得文丞相齒髮偶過

此堂借申哭拜之禮有失迴避望丞相恕罪小生此義

士也請問二位姓名老旦我王炎午外我張千載都是

江西人淨元來這位是照管丞相飲食的張先生這位

就是做生祭文的王先生子昂我們于丞相都是舊交

竟將酒席致奠一回如何小生正該如此淨左右將酒

席擺上去未炎午又有祭文一篇請二公鑒正淨小生

展讀介咳。可謂淚溢江河聲滿天地矣。同拜介合。

解三醒寄楚峽猶存宋玉弔湘江已失三閩共張巡嵇紹
迴雲馭似干將躍出洪爐看身騎箕尾歸奎府更光射旄
頭照斗墟寒芒注挾長虹貫日耿耿天衢外負匣介告別
了夜宿月當枕曉行霜滿身荒郊鬪饑語匣內有孤臣

下小生王先生屈到舍下暫住幾時細細領教老旦打
攪不當淨分付打道。

尾聲傷心柳下無邱墓風雨同聲一哭怕聽他吹笛山陽
淚滿裾下

第三十五齣 歸櫬

生老日上。生長廬陵節義鄉。亂離經過髮如霜。雞豚社
小三升酒。薺麥村連百畝桑。我們廬陵縣父老便是我
這村中。有文丞相舊府門前一池清水。名曰冷水潭。聽
得前人說。潭中舊有黑龍一條。能興風雨。自丞相生後
四十七年來。靈跡杳然。前日傳說丞相已死燕京。昨夜
風雷聲中。似見黑龍歸沼。這也是奇怪之事。說他兄弟
文壁老爺。今日奉太夫人靈柩。自廣東惠州回來。已到
府中。我們去糾合本村人戶。敬設公祭。潭前去弔奠一

番則個下外負匣上歸來丁令骨招到杜鵑魂。這里是
了。有人麼。中淨上是誰。外二兄請了。我自燕京收得令
兄齒髮。在此匣中。中淨哭介原來如此。呵呀。我的哥哥
呀。捧匣下。卽上外二兄在嶺南近況如何。中淨一言難
盡。

正官
過曲 錦纏道自辛酸。做了個負恩人。受新朝一官。天地豈

能瞞奉萱闈。災方薄祿承歡。實指望老萊衣親心自寬。又
誰知臯魚血子職難完。銜恤捧娘棺。歷盡了兵戈離亂骨。
月罷團圓。慚愧他臨危能斷。猛回頭家國恨漫漫。外令兄

呵

朱奴帶錦纏鐵錚錚孤忠自完。捱得到浮生劫滿。肯樹降
 旗納名款。那日盡節後。朝廷加他封爵。便將神牌掣到空
 中。扯得粉碎。宋丞相冰銜不換。死守舊朝官。頃刻把風雷
 驚竄。試看他星芒千丈。直射斗牛垣。中淨請到後堂小飲。
 外不勞了。尙有遺硯一方。玉帶生收好了。我去也。九原
 含笑應無憾。萬里招魂定不虛。分下

第三十六齣 菴祭

旦尼仙呂
 裝上過曲
 月雲高安心初地。舊夢休提起。每聽鐘魚韻。只

道吹環珮老身全太后祝髮茹菴世緣都盡悟徹風幡此
是西來意前日謝晚將昔日官中所畫謝太后小像送來
供養可憐謝太后埋骨黃沙歸于極樂豈知老身今日與
他添水炷香來喲並輦承恩夜都是神仙配轉眼滄桑遽
改移各趁驚蓬四處飛小且道裝上太后今日乃觀音大
士誕辰恐有香客到來我們在雲堂款接一回去下老

且上

前腔主家都尉烟霧乘鸞壻許給遊仙假往赴華嚴會我
文丞相之妻歐陽氏蒙駙馬公主念我是忠臣眷屬放出

外間居住月給口糧。今九月十九日。不免往大土菴中頂禮一番。則個便稽首蓮臺。乞懺前生罪。我想如來以太子夫婦出家。便成正果。我家相公。皆因狀元宰相四字墮落塵劫。倒不如那布衣田舍。轉得安閒。自古道宦海風波。有是非閃得人。傀儡當場沒轉移。小旦上居士是那里來的。

老旦我乃前丞相文天祥之妻。特來拜佛的。望道姑導

引。小旦呀。原來是文夫人。奴家便是王昭儀。全太后娘娘也。出家在此。太后娘娘有請。旦上這是何人。小旦這

是文丞相夫人。老旦拜介太后娘娘在上。臣妾歐陽氏

朝見旦方外相逢不用如此咳。國家養士四百年只得
你文謝兩個忠臣結局真可傷也。小旦夫人可到雲堂
瞻拜謝太后聖容去。同行介老旦這就是聖容哭介我
那太后娘娘呀。想北兵到杭州時。要你僉名奉表好不
苦情也。

皂羅歌。轟雷聲。鼓驚天地。排霜戈戟繞宮闈。豺狼共挾鬼
神威。蛟龍頓失風雲勢。便把黃麻紫印龍章鳳題河山半
壁。旌旗六飛共金甌一統成。捐棄拋銅鞮換鉄衣。領三千
粉黛向龍堆。小生碁聲花院靜。旛影石壇高。這里有個團

瓢倒也幽雅不免進去隨喜片時入見老旦抱哭介母

親如何却在這裡尋得孩兒好苦也且小旦驚介小生

醉歸花月渡關山踏遍無從覓神靈杯筭總癡迷只道重

逢杳無期何緣相見當今日老旦這是太后娘娘這是昭

儀夫人小生拜揖介驚疑說是昭容紫袖垂欣瞻大慈兼

大悲紫竹陰森莫是潮音會且汝乃忠臣之子可惜飄零

草澤看你一領青衫舊便烏帽多憔悴你如今在何處安

身小生小臣逆旅棲遲萍踪無定此刻得了母親即便買

舟南去老旦臣妾就此拜別拜介各淚介王夫人我本欲

同你跟隨太后。今不克如願。好不痛心。小旦夫人骨肉團
圓。十分之喜。奴家惟有終老茆菴而已。大哭介。合死別頻。
經生又離旦。我那有嬌兒奉母歸。自憐子舍葬崖山。四海
無家那便還老旦。阿閣凋殘鸞鳳散。小生可憐天姥涕。

潺湲分下

第三十七齣 西臺

正旦內監
便服上

空山石馬哭秋風。一片江潮尙指東。鬼唱荒

墳尋故主。冬青零落夕陽中。咱家羅銑向來看守皇陵。

被楊髡這廝拏去收禁。後來遇赦放出。只得在這七里

瀧邊釣臺之下賣酒度日你看半江寒日兩岸秋山遊
人甚多在俺羅銑眼中都是前朝眼淚也

仙呂入

雙調

夜行船序事去時移甚龍飛鳳舞尙存王氣無聊
賴茆簷下一片青旗低迷衰草浮烟遠樹粘天蒼涼無際
追隨寒雁隔江來腸斷一聲漁笛下老旦外同上

前腔游戲白首低垂夢杭州湖上風光猶記嗟流落黃鑪
再過淒其老旦毅父兄此間有一小店倒也幽雅和你小
飲三杯如何外梅邊兄有此雅興當得奉陪酒家有麼正
旦上二位是飲酒的請到江樓小坐登介外酒家你是內

家行徑。如何到得這里。正旦說也話長。小二取酒來。丑取酒上。卽下。老旦便同坐談談最好。正旦怎好取擾外不妨。敢問老公名氏。正旦咱中官羅銑。本是皇陵守者。被楊髡拘繫。遇赦而出。重提往事。堪悲。斷碣殘碑。半山斜日。常時。燐火散郊原。野草閒花滿地。老旦正是楊髡發掘諸陵。不過利其寶物。如何將遺骨築塔。江干令人切齒也。

黑麻序。流涕每過前谿。聽塔鈴相語。不敢低回。外恨遺民力薄。無人拆毀。正旦二位不知這塔都是猪羊骨殖造成。

當年有兩個義士。一名唐珏。一名林景熙。他釀錢高會。僱

人于月下換去真骨私葬會稽蘭亭山下表以冬青稀奇
二士殮羣屍諸陵共一堆影迷離借官樹濃陰巍然聊當
龍碑老且外妙呀

前腔高義草澤扶持歎苦雨淒風銷盡五陵佳氣料中興
無日若敖同餒正且國變之後聞得有兩個忠臣一個叫
做文天祥一個叫做謝枋得後來不知怎生結果外不要
說起休提那文丞相呵齒髮返江西精靈歸故池只有謝
登山無人收拾掩殘屍藁葬燕臺深藏野寺荒基正且二
位不知謝公子定之亦負其父遺骸歸葬弋陽矣小生

攜鐵如意上眼中熱血同誰灑愁外青山只自尋這是
嚴陵釣臺之下呀二客在此不免相見二位請了老旦
先生高姓大名小生小生延平謝翺二位是誰老旦元
來都是文山門下之士俺是王炎午他是張千載小生
兩公真義士也

錦衣香文遍貼存生氣函竊負存高義筭臨危君子交情

故應如是老旦先生近在何處小生小弟深慚苟活近日

寄居監簿王修竹家又得浦陽江右方永康吳思齊意氣

相投聊以永日外我們渡過江去向西臺一遊如何正旦

待我攜了酒具去。老旦漁翁搖過船來。雜搖船上四位客。

人上船來好順風呀。合好風七里渡江宜。羊裘老子占斷。

漁磯。到岸介。雜請上岸去。弄船下。小生這是西臺了。迴望。

富春山色問桐君。此意應知。列位請坐。聽我短歌請教。以。

如意擊地歌介。魂歸來兮。何極。魂去兮。關水黑化爲朱鳥。

兮。有喙焉食。大哭介。正旦呀。竹石一齊敲碎矣。竹石砰然。

碎。冷雲低。委看唾壺殘缺。共傷憔悴。小生昔李白心愛謝。

公青山欲老其地。我謝翺生不逢時。得葬此邱足矣。衆。

先生且免愁煩。我輩去矣。下。小生俺謝翺。刊今日呵。

漿水合泣窮途無家靠依。歎衰年無人護持。揚州墓田留
幾堆。桐鄉不遠。渴葬何辭。身子困乏。不免假寐片時。坐盹
介。內奏細樂儀仗。引文謝二公。天神裝繞場下。小生醒介。
噯呀。方才明明看見文謝兩公。靈旗法駕。逍遙過去。排仙
仗簇畫旗雲中。宛見迴雙轡。前日聞得楊髯遭暴雷。殛死。
可見列聖英靈震怒。昭報不爽。嚴雷電嚴雷電。青天自知。
逐魍魅。逐魍魅。庸人自迷。

尾聲。忠臣孝子。憑誰痊。把麥飯年年私祭。莫認是一代興。

亡浪品題下

第三十八齣 勘獄

二雜甲胄持瓜一吏中捧冊引生天神裝上呂北粉蝶兒開府瑤天閃龍幢紅霞

舒卷掌森羅點鬼登壇立刀山排劍樹銅丸鐵剪一椿椿
勘斷無偏體天心慈悲懲勸聰明正直死爲神鍊案如山
各有因春露秋霜自生殺世間猶有作好人俺文天祥
生領台階死持風憲奉上帝勅旨勘問南宋以來奸相
該吏將各項簿冊以次呈上不得混亂吏領法旨生待
謝文節公到來一同辦理吏是二武士引末神裝繞場

上

南泣顏子才下首陽巔。新拜雲霄冠冕平。反庶獄森嚴不
似人間到介生。迎介文節公生未識荆。歿方御李天祥有
一拜。末妨得也有一拜。薑辛桂辣比芝蘭。氣味深耶淺。駕
龍驂共步雲衢。持虎節同膺天眷。並坐介吏跪呈冊。介呈
案冊起侍介生寫牌介提汪黃二賊來聽審。吏執牌叫
介鬼使押黃潛善汪伯彥來。鬼枷鎖二犯上汪伯彥黃
潛善當面生拍案介噯呀二賊你也有今日麼。

北石榴花你貪戀着揚州花月待把翠華遷。把祖宗陵廟
一齊捐。却不道根搖葉落怎周全。將李綱排抑宗澤拘攣。

可憐那怯書生。可憐那怯書生。陳東歐徹駢首。遭刑憲。兪
壬登陟。忠良誅遣。一味價用私人。公然狼狽相推薦。怎知
道臺前業鏡。爲伊懸。鬼使押這兩賊。赴餓鬼獄去。鬼押二
犯下末寫牌介。帶秦檜來。吏叫介。鬼使帶秦檜來。鬼押
檜上秦檜當面末。你這萬惡的好賊。欺君誤國。殺害忠
良。爲何魂魄尙在。

南泣顏子當先。和議禁人言。刼制朝廷專擅。獄成三字風
波。亭壓奇冤。將何格天。十九年醞釀。邦家變汴京河。精衛
難填。五國城青燐如燄。速將此賊一魂。永繫泥犁地獄。再

將他○一○魂○疊○變○猪○羊○一○魂○疊○變○雞○犬○使○他○萬○劫○受○割○烹○
炮○烙○之○苦○去○鬼○押○下○生○寫○牌○介○帶○韓○佖○胄○來○更○叫○介○鬼○
使○帶○韓○佖○胄○來○鬼○押○上○韓○佖○胄○當○面○生○好○賊○子○呀○

北○門○鶴○鶻○你○在○那○玉○津○園○選○舞○徵○歌○玉○津○園○選○舞○徵○歌○把○
一○個○趙○汝○愚○輕○輕○謫○貶○更○把○那○朱○晦○菴○不○許○談○經○蔡○文○定○
不○教○開○卷○驀○地○家○啟○覺○挑○兵○把○殺○運○專○險○些○把○錦○乾○坤○放○
倒○懸○更○將○那○十○六○個○太○學○儒○生○十○六○個○太○學○儒○生○血○淋○淋○
頭○顱○都○剪○鬼○使○押○這○賊○到○無○間○獄○去○每○日○睡○在○火○床○上○化○
形○三○次○押○下○末○寫○牌○介○帶○史○彌○遠○來○更○照○前○介○鬼○史○彌○

遠當面末老賊呀。

南撲燈蛾惡狠狠當朝廿六年陰慘慘一副無情面飢紛
紛僉任挨肩進怒吽吽禁持臺諫急煎煎擠排異已開攘
攘都去鑽彌遠枉了你霜顏雪髻冷悠悠冰山一座玷班
聯押入黑暗地獄去押下生寫牌介帶丁大全來更介鬼
丁大全當面生賊子呀。

北上小樓你深藏着一顆心如墨高仰着兩片顏如靛赤
緊的靠了閻妃倚了宋臣竊了朝權叫人呼董董丁丁叫
人呼董董丁丁凶如豺虎毒如蛇蝎是丁謂兒孫活現將

他押入惡狗獄去。押下末寫牌介。帶賈似道來。吏介鬼
賈似道當面。末賊子呀。

南撲燈蛾羞答答福華一編怯生生蕪湖一戰嚶嚶的蟋
蟀鳴濟濟的黎民怨急張拘諸把公田來更變聚歛的閭
閻倒懸蔽朝廷一片雲烟蔽朝廷一片雲烟把一個皇華
君子囚在幽州別館便宜你木棉菴裡血濺濺將他押赴

鄴都使他遍歷地獄諸苦每年當蟋蟀鳴時日間鞭鉄
鞭一百晚來吞鉄九五十俟蟋蟀收聲爲止萬載千秋
永著爲例生文節公好處分也。一旦持節引神官上上

帝勅旨陞文天祥爲都天總憲陞謝枋得爲九天司命
星君卽當赴闕謝恩星馳赴任去者合一霎裡

南尾聲人天歡喜平恩怨把善惡褒誅一遍留下這孝子
忠臣向法華轉下

填詞擬並表忠碑

桑梓前賢事跡垂

一點書生眼中淚

漫將長笛向人吹

冬青樹傳奇終